

周
官
析
疑

周官析疑卷之三十二

安州陳廷彥

同里劉古塘同訂

桐城方苞著

青陽徐詒孫

大司寇之職掌建邦之三典以佐王刑邦國詔四方

刑邦國卽下經用三典於三等之國蓋以刑邦國之民若諸侯之不率者則九伐施焉非五刑所及也旣曰刑邦國又曰詔四方蓋詔四方邦

周官精義 卷之二十二
國之用刑而不率三典者大宰以刑典詰邦國
卽此義也

三曰刑亂國用重典

如酒誥羣飲汝勿逸盡執拘以歸於周予其殺
是也。加刑於新國平國亂國之上者明制在
。王朝布刑於邦國之時卽別異輕重而酌其中
也。如無畫一之法以限之則邦國諸侯驕暴昏
懦者或徇私任性以爲輕重羣儒謂刑邦國之
諸侯誤矣

以五刑糾萬民

糾有約束之義、示以所尚而不用命者刑隨之、則如木之從繩而無不可矯正矣、

四曰官刑上能糾職

大宰官刑以糾邦治、則所糾乃有位者、司寇官刑以糾萬民、則所糾乃庶人在官者、

五曰國刑上愿糾暴

曰野曰鄉曰國、非以地別之、以事別之也、水土力役之政、野刑也、故曰上功、糾力不孝不友不

睦不嫻不任不恤鄉刑也故曰上德糾孝吏之
作姦民之爲暴勢家之滅義國刑也故曰上愿
糾暴雖國中野外之人所犯鄉刑也則以鄉刑
弊之餘刑皆然。劉氏彝謂國刑爲典禮之刑
蓋據注以暴爲恭不知義亦不可通蓋變禮易
樂革制度衣服則九伐之所施也亂名改作殺
無赦者也至於祭祀賓客序事以賢卽小有過
差不宜遂麗於刑且禮典不可云尙愿失禮而
有訶責不可以爲國刑羣儒以五刑附治教禮

政事五典義皆穿鑿難通王氏應電專以市言
國刑非也糾之者市官之外禁殺戮禁暴萍氏
等官皆有事焉

凡害人者寘之圜土而施職事焉以明刑恥之

民罷於作業則必放僻邪侈而有害於人寘之
圜土欲其困而悔也施以職事欲其勞而思也
其能改者反于中國不齒三年其不能改而出圜
土者殺

使。知。改。則。終。可。安。其。生。不。改。則。無。所。逃。其。死。姦。

兇之民舍此無以革其心。雖周公制法亦不得不出於此。反其鄉里而曰中國者使終不改。則當屏之遠方也。

以兩造禁民訟入東矢于朝然後聽之。

注造至也不至則是自服不直非也。無論所訟虛實未有被訟而不自質辯者果自知不直而不至。爲吏者當致其人平其事而後可以息爭。未有置而不聽者。蓋造者作事之端兩造者各陳其致爭之由也。書曰兩造具備則不可以至。

訓明。案曰：禁民訟者，或事端微細，或曲直顯然。則立使解散，而不復致於朝也。

陳從王曰：訟獄者多挾一偏之

情與其證，佐以求伸，及各陳其事，由各出其約。劑則虛証難揜，立可解散。故必合兩造，兩劑然後聽之，而不主先入之言。徇一人之私，則將不敢挾其一偏，而致訟獄。故曰：禁

以兩劑禁民獄，入鈞金三日，乃致於朝，然後聽之。

訟是非，可立決者也。兩造具備，則曲直可判矣。

獄遲久而後決者也。或負財物，或背昏媼，其約

劑有真偽，佐證有存亡，未可以一言而決，必致

於獄，然後其罪可定。故所入加重，又緩其期，然

後聽之舊說以罪相證非也以罪相證無緣有
兩劑若官司所守彼此爭執則各於其長訴之
附於刑而後歸於士 臨川吳氏謂必入東矢
鈞金則貧者無所赴愬未通考周官獄訟之法
故也國中_之獄訟鄉師聽之六遂_之獄訟遂師
遂大夫聽之公邑_之獄訟爲邑者聽之市及門
闕_之獄訟市師及質人聽之附於刑而後歸於
士都家_之獄訟都家之士與其長成之大者方
士達之小者方士主之又有肺石以達惇獨老

幼尚慮其無所赴愬乎。其造於大司寇而求伸者。必事久變生。情有詐僞。辭無佐證。雖具兩造。而無所徵。雖執兩劑。而未可憑。如書所謂單辭。記所謂有旨無簡者是也。古之聽獄訟者。意論輕重之序。而刑故無小。辦法而不信。則刑之辟藏而不信。則刑之故。使人矢以明直。入金以示信。重與之要。而不肯息。則視常法。必有加焉。所以使不直不信者。懼罪之重。而私伏。故曰。以禁民訟。以禁民獄也。其或聽之。而終不得其情。則

又有盟詛之法而徵之以鄉里臨之以鬼神蓋
聖人親歷情僞之變法有所窮不得已而立法
外之法以警人心明天理吳氏不究其端委而
勇於立異過矣方道章曰以兩造禁民訟以
兩劑禁民獄謂兩造兩劑之不具者禁之使不
得訟獄也若兩造兩劑具備則有地治者與質
人司約立聽而立斷之非大司寇所職也

以嘉石平罷民凡萬民之有罪過而未麗于灋而
害于州里者桎梏而坐諸嘉石殺諸司空

張自超曰、此曰未麗於法、則圖土之罷民爲已
麗於法者可知矣、圖土之罷民曰害人、是實有
被其害之人、此曰害於州里、則頑嚚醜肆爲州
里所患苦耳、

重罪旬有三日、坐朞役、其次九日、坐九月役、其次
七日、坐七月役、其次五日、坐五月役、其次三日、
坐三月役、使州里任之、則宥而舍之、

五家以近相保、此更遠及二千五百家之州、何
也、五家相保、使糾察於平時也、其過失邪惡、尚

未形故曰有罪奇裘則相及嘉石圖土之罷民則過失邪惡已成矣懼其暫求自脫而不能後非比偶之民所能制也故使其有司任之間胥里宰實掌撻罰任之而不改則鞭朴加焉傲很怙終可復於州長而投竄之故不曰保而曰任蓋使有地治者任其責耳必如此然後邪惡之民無遁情若以任爲相保之義則二十五家之里且不能相保况二千五百家之衆哉曰州地者於鄉舉大於遂舉細也

以肺石達窮民。凡遠近惇獨老幼之欲有復于上
而其長弗達者。立于肺石三日。士聽其辭以告于
王而罪其長。

斷獄弊訟者。大司寇也。乃散見於羣士。而本職
無列焉。何也。國土嘉石。所以禁於獄訟未成之
先。而閉其徑塗。鈞金束矢。所以謹於疑獄疑訟。
而防其變詐。肺石以達窮民。又所以警有地。准
者與職聽之士。而懲其枉撓也。蓋使民無訟。其
本原固在於皇建有極。章志貞教。而止惡於未

萌明清於單辭董正諸司乃大司寇之職至於
職斷不失則羣有司之事耳此本職無一言及
於獄訟之義與

正月之吉始和布刑于邦國都鄙乃縣刑象之灋
于象魏使萬民觀刑象挾日而斂之

刑典每歲和布不惟科條有增損卽諸侯之國
有由新而爲故旣亂而復平先平而後亂者其
典之輕重必隨時變易乃得其中也

凡邦之大盟約泄其盟書而登之于天府大史內

史司會及六官皆受其貳而藏之

邦之大盟約有或背之則征討必行六官皆有
事焉故竝藏其貳又使邦人及諸侯知所約之
必不可犯也

凡諸侯之獄訟以邦典定之凡卿大夫之獄訟以
邦灋斷之凡庶民之獄訟以邦成弊之

此侯國有爭訟非九伐之法所及也故以邦典
定之如疆場之爭則所犯教典政典也昏媾相
負則所犯禮典也川防之閉縱則所犯事典也

本無輕重一定之法必隨事而酌定之。卿大夫之獄訟以八法斷之者官職之不舉官聯之不。會官常之不脩官成之不守官法之不遵官刑之不當官計之不實國有常刑也若卿大夫而有土地財物之訟亦當以八成弊之。王氏應電曰或謂邦典卽大司寇建邦之三典邦法卽小司寇之八辟麗邦法邦成卽士師掌士之八成此似是而實非也三典以刑邦國之民非所施於諸侯八議通乎上下豈止於卿大夫八成

以斷庶民之獄者爲多而士師之八成則以除
姦慝而非以斷獄訟不若舊說爲安

大祭祀奉犬牲若禋祀五帝則戒之日涖誓百官
戒于百族

既總言大祭祀又特舉禋祀五帝豈凡祭祀之
戒誓大宰小宰掌之司寇不涖惟祀五帝卽事
於郊野其事尤嚴故兼使刑官之長涖之與小
司寇及士師職皆特舉祀五帝蓋刑官之正貳
及攷皆從而蹕者又其屬聖人慮事之詳如此

及納亨前王祭之日亦如之

此職及太宰皆納亨後。繼言祭之日。則納亨非謂亨牲也。按特牲饋食禮祭之前夕。宗人視壺濯及豆籩。然後視牲。舉獸尾告。備舉鼎彝告。絜請期牲。與鼎同時而告。次日乃殺牲。則納亨爲納亨牲之鼎鑊明矣。蓋祭前一夕之事。終於納亨。曰納亨前王。則知視濯視牲。王皆親之矣。太宰納亨贊王牲事。在視滌濯之後。而小宗伯省牲在視滌濯之前。何也。小宗伯乃省牲。非絜也。

蓋毛六牲辨其名物而頒於五官使共奉之。小宗伯之職也。前期小宗伯省其當否。祭之前夕。王出視牲。然後五官共奉之。舉獸尾以告。備舉鼎鼐以告絜耳。

大軍旅涖戮于社

觀此則知古之軍法。雖臨陣對敵。有不用命者。亦執而歸於士師。使羣士聽其情。傅其罪。然後司寇涖戮於軍社也。蓋大宗伯不與軍事。大司馬巡眡六軍而不帥師。則大司寇必爲軍帥而

戰之日不得泄戮於社明矣。將在軍雖君命不受而不得專戮何也。軍刑至重恐倉卒中或過出無心或情有抵冒故必歸於士師明徵其辭而後司寇泄戮。先王以哀敬之心制刑辟惟恐其或有枉撓也。凡軍旅鄉師戮其犯命者所治者徒役輦輦其犯命者戮不過鞭朴士師禁逆軍旅與犯師禁者而戮之則附於五刑者皆掌焉。至大司寇小司寇所泄則必斬殺之刑其餘刑則士師泄之也。蓋凡斬殺刑戮乃掌戮專職。

而士師又曰戮之則從司寇以涖大辟而餘刑則自涖可知矣。春秋時軍帥亦不專刑殺而聽於司馬。鞏之戰韓厥將斬人卻克將救之是也。至唐李光弼河陽之戰羣帥少却卽趣左右取其首乃危急存亡之秋非此不能使人致死。功雖奇非常法也。漢唐以降軍帥權重得先斬而後聞積威所劫雖挾以叛逆不敢不從然後知軍刑必歸於司寇。政有本統乃萬世無弊之道也。此亦古者軍將卽用六卿之證。若王不親

行則小司寇泄焉

小司寇

掌外朝之政以致萬民而詢焉一曰詢國危二曰詢國遷三曰詢立君

司徒掌萬民而使刑官致之者三者皆國之變事以刑官泄之則進而陳其儉謀退而動以浮言者不禁而自戢矣其不以大司寇例也其職擯而叙進以傳語王與六卿竝聽之秋官之長不得獨去其列而爲擯也

其位王南鄉三公及州長百姓北面羣臣西面羣
吏東面小司寇擯以叙進而問焉以衆輔志而弊
謀

臣莫尊於三公故北面以答王親民之官莫尊
於州長故帥百姓而位三公之後若鄉大夫則
六卿也雖監臨六鄉而不與民治宜西面以帥
羣臣觀此而鄉大夫以六卿攝鄉老以三公攝
益明矣使別設鄉大夫而非六卿則帥百姓者
宜鄉大夫而不宜以州長注疏乃謂鄉大夫在

公後義不可通

以五刑聽萬民之獄訟附於刑用情訊之至於旬
乃弊之讀書則用灋

羣士士師所議既附於刑小司寇復用情訊之
記所謂悉其聰明致其忠愛以盡之也書者所
書犯法之由卽獄辭也讀之而囚無不服衆以
爲宜然後法可用

凡命夫命婦不躬坐獄訟

注引春秋傳王叔之宰與伯輿之大夫坐獄於

王庭明國君不坐獄訟使其臣代之若大夫自有獄訟亦不躬坐當使其屬若子弟代之也凡王之同族有罪不卽市

掌囚掌戮職凡有爵者皆刑殺於甸師氏而小司寇及甸師職獨舉王之同族何也其法本爲同族設而有爵者視焉故司寇甸師職第舉其法之所自始而掌囚掌戮職乃並詳其事之所兼及也

以五聲聽獄訟求民情

呂刑惟貌有稽以色包耳目辭氣此以聲包色
氣耳目也蓋或貌變或聲變則餘必從之聲以
辭言而辭不足以盡聲不直而巧辨者辭雖不
屈而聲必有異則聲聽乃色氣耳目之樞紐也
以八辟麗邦瀆附刑罰

邦法中本無此八議之法故以麗之旣曰麗邦
法又曰附刑罰者以八等人之刑應末減者著
於邦法之中弊罪時得權衡其彼此之輕重低
昂而附之於刑罰也

三曰議賢之辟

賢而罹於法者如僨軍喪邑之類或阨於事勢而非其罪也

聽民之所刺宥以施上服下服之刑

三訊並用而要以民爲斷者所訊取於民乃其情之實也蓋民之所共白而以爲可宥者未減可也其不可宥者則權其情罪之輕重而施上服下服之刑卽呂刑所謂上刑適輕下服下刑適重上服也司刺言三刺三宥三赦而此不言

赦者凡宥必酌於民言若幼弱老旄蠢愚之應
赦者不必訊於民而後得其情也。

及大比登民數自生齒以上登於天府內史司會
冢宰貳之以制國用。

周官登於天府者四民數則冢宰司會貳之者
以制國用也。內史貳之者執國法國令之貳以
逆會計也。賢能之書獨內史貳之者以詔王廢
置爵祿也。盟約之書六官皆貳者邦之大盟約
若有畔者則禮樂征伐不行於天下六官皆有

責也。大史內史司會復貳之者。大史掌約劑內史掌八柄。其有會同征伐則財用計要司會之所職也。獄訟之登不書其貳者。自鄉遂都鄙之吏達於羣士。羣士達於士師。小司寇訊而弊之。大司寇聽之士師受中而致於下。書之者不一而足矣。第登中於天府以示罪。皆天討而無事復書其貳也。三年則天道凶豐之數至此齊矣。公私出入之經。上下可較量矣。民之少者則已壯。未老者則及老矣。故大比之而凡受田歸

田之令或征或舍之差耕三餘一之法民數有稽則國用可制也古者四民之中農居八九其餘男女貴賤無一人不在九職所任之中故計民數卽可以制財用後世遊民衆多凡賦皆出於田故陸贄論兩稅之弊謂先王制賦以丁夫爲本不以務稽增其稅不以輟稼減其租則播種多不以植產厚其徵不以流寓免其調則地著固不以飭勵重其役不以窳怠蠲其庸則功力勤自明以來百工之役丁夫之役皆歸田

畝而千百萬游民終其身無一口庸於公無絲粟人於國於先王懲游惰恤農重穀之道若背馳矣

凡禋祀五帝實鑊水納亨亦如之

注以寶鑊水在納亨之前謂洗解牲體似未安蓋鑊非一或以燂水或以亨牲此實鑊水蓋燂水之鑊以備王與尸之盥及沃牲去毛之用二事必巽及納亨則所實惟亨牲之鑊耳割牲事褻故使內外饗執之而小司寇實水以致敬焉益

鑊水者士師其職曰祀五帝則沃尸及王盥洎
鑊水則不得專主享牲明矣謂洗解牲體則失
之愈遠牲去毛以熱湯既體解則實於鑊而後加水

大賓客前王而辟

朝覲會同大司寇前王此不曰朝覲會同而曰
大賓客何也蓋正舉朝覲會同之禮其事特重
且或舉於嶽狩及會師之地故必大司寇親之
小司寇前王則饗食燕飲行於廟及寢者故以
賓客言之

凡國之大事使其屬蹕

大司寇職凡邦之大事使其屬蹕小司寇職凡國之大事使其屬蹕何也曰國則事在國中曰邦則通乎畿內也賓客而外凡視學養老告朔弔臨蹕於國中者皆小司寇命焉朝覲會同而外凡用事四郊省耕省斂以及巡狩征伐王親在行蹕於畿內者皆大司寇命焉故並以凡該之

孟冬祀司民獻民數于王王拜受之以圖國用而

進退之

民之夫家老幼衆寡、鄉師遂師、鄉大夫遂大夫、
既以歲時登之稽之、而復設司民於秋官、以登
其數。至獻數於王、則不以司徒而以司寇者、必
服教而不罹於刑、然後爲天民之良。王始得而
有之也。王氏應電謂上經大比登民數一節、
當移屬於此、非也。司民定祀於孟冬、故三年大
比之民數亦於是日獻、而此所獻則每歲之民
數耳。三年大比息耗之數多、可定國用之太民。

故曰制每歲而計之、則息耗之數少、故曰以圖國用而進退之、且上經言制國用、並未及祀司民、何爲移屬於此哉、

歲終則令羣士計獄弊、訟登中于天府、

獄已成、辭而附於罪者、歲終則總計其數、訟之可立決者、則遂斷之也、王氏應電謂下經命其屬入會、乃致事、當繫於此、而以小司徒比證、非也、小司徒考治成、正要會一時之事耳、而此職則非一時之事也、獄訟弊於夏正之十月、則

民得役公旬營私室以終歲事而自羣士之外
凡所屬羣吏必至夏正之正月然後一歲之事
始畢而可致也。蓋天地二官所考之治成所受
之要會其事大抵相連故可同時而考之受之
秋官之事紛雜而各不相蒙故於歲終專弊獄
訟於正歲乃會庶事所以專一而致其詳耳。
正歲帥其屬而觀刑象令以木鐸曰不用灋者國
有常刑。

小宰職曰觀治象之法見不獨懸其象并書其

法也。小司徒職曰觀教法之象，互文以備其義也。此職曰觀刑象，義具於前，則文可省也。小宰小司徒職曰徇以木鐸，此變文曰令何也。曰徇者，義主於警其人。曰令者，義主於達其語也。天官之屬皆在國中，地官之屬鄉大夫卽六鄉都鄙之長，則王子弟公卿大夫也。遂及公邑吏雖不在國中而總其事者，有載師閭師縣師均人土均之屬，皆親觀教法。故義主於警其人。秋官之屬自鄉士而外，治在郊野，都鄙勢不得盡去。

其治所而觀象於國中。故義主於達其語也。曰令則可以該徇。曰徇則不可以該令。

令羣士乃宣布于四方。憲刑禁

大司寇既縣刑象於象魏。小司寇復令布縣。何也。縣於象魏以示國中之民。及民之有事於國中者而不能徧也。故正歲小司寇又令羣吏宣布於四方。而各縣於所治之地。與大司徒正月縣教象於象魏。而小司徒正歲又令羣吏憲禁令。同惟小宰無正歲復縣之文。蓋治象之法皆

不出於官庭及國中。既帥羣吏以觀之。又布於邦國都鄙。則官守其法。民從其令。無事更表縣於其地矣。若刑之科條。教之禁令。必家諭而戶曉。安得不表縣於其地。而使親民之吏。更爲宣布哉。小宰獨以官刑憲禁於王宮。亦此義也。小司馬及司空之篇。雖亡。而依類以測之。則師田之禁令。皆及時而後行。小司馬宜無正歲憲禁之事。司空掌城郭溝池道路。作宮室車旗衣服。無時無事。不有禁令。義當表縣。知然者。以禮典

周官考類卷之二十二 二十
一成而不變則春官並無和布縣觀之法也
乃命其屬入會乃致事

惟地官秋官有入會致事之文者惟二官用財
紛雜而纖細必各會之以入於冢宰若禮官政
官所用之財則各有經式冢宰司徒之屬共之
不必其官自會也惟二官之職事積日累月而
成其案牘或因於前其得失有攷於後故歲終
致之而後冢宰聽焉若禮事軍事則時過而事
畢無可致也 士師職正要會在歲終憲禁令

在正歲則此經宜在登中於天府之下錯簡也

周官析疑卷之三十三

士師

掌國之五禁之灋以左右刑罰

曰五禁之法者其法掌於士師而遵法而施禁者則六官之司旅也備爲之禁使民知少有傾側則陷於刑罰而謹凜以協於中是謂左右刑罰也

一曰宮禁

曰宮禁則凡事在宮中者皆具焉不獨閭人所

掌也。如宮正比次舍則去守者有禁矣。糾德行則奇衰者有禁矣。稽功緒則淫怠者有禁矣。秋官禁暴氏司奚隸之聚而出入犯禁者有戮。又其顯著者也。至宮中之火禁則宮正脩之。國中及軍旅則司烜氏掌之。國失火野焚萊則司燿掌之。蓋一事而通乎五禁焉。萍氏之幾酒謹酒亦然。餘可類推。

二曰官禁

朝上職慢朝錯立族談乃官禁之行於宮中者。

司市命夫過市之罰、乃官禁之行於國中者。至
宮正職所謂去守、宰夫職所謂失財用物辟名、
則入於官刑、非禁之所及也。

三曰國禁

凡司市所禁、皆國禁也。而郊野都邑亦用之。司
門幾出入不物、及財物犯禁者、其法聯於關市。
戴記王制郊特牲及月令所列法禁、皆可以足
推之。

四曰野禁

山虞澤虞林衡川衡井人迹人圉人所禁專行
於野者也野廬氏蜡氏萍氏脩閭氏所掌野禁
爲多而賓客祭祀之禁則通乎國中司隸守王
宮之厲禁而兼及野舍餘可類推

五曰軍禁

銜枚氏禁無髡本軍禁也而通乎野之田役禁
詔呼歎鳴歌哭於道者本野禁也而通乎國中
至尙書費誓所稱春秋傳侵官失官離局亂行
乃軍禁之大者而不見於經豈四司馬之職亡

而今無考與

皆以木鐸徇之于朝書而縣于門閭

刑則大司寇縣於象魏使羣士縣於所治而已
禁則書而縣於門閭使婦人孺子皆若耳提而
面命焉所以犯禁而麗於刑者寡也猶司徒之
教法令羣吏縣於所治之國而已而辨種陸之
種與其所宜地則使司稼縣於邑閭皆聖人知
周萬物之明法也

以五戒先後刑罰毋使罪麗于民

以誓言之費誓則戒之於先、秦誓則以戒於後、以誥言之大誥則戒之於先、多士多方則以戒於後、故曰以先後刑罰、

四曰糾用諸國中

祀五帝、大宰掌百官之誓、小宰掌七事之戒、其以令百官府、五官之貳、正歲各帥其屬而觀所縣之法、所以糾庶官也。邦有大事、宮伯作上庶子、大司樂合國之子弟、春入學、合舞、秋頒學、合聲、所以糾庶士也。小司寇致萬民而大詢、所以

糾庶民也。皆國中之事。野外亦有糾而專言。與中舉其大者多者。

五曰憲用諸都鄙

對國中而言則都謂小都大都鄙謂鄉郊公邑甸稍也。小司徒令羣吏憲禁令小司寇令羣士宣布於四方。憲刑禁蓋通鄉郊公邑甸稍縣都皆縣之誓用於軍旅者賞罰用命不用命必出矢言使知必行也。誥用於會同者宣諭以禮義然後衆志可通也。禁用於田役者田矜能而斃

利役惜力而冒功最易犯令也。國中用糾者其民聚可合致而申警之也。都鄙用憲者其地遠必分布而表縣之也。曰用之於者以事言也。曰用諸者以地言也。

掌鄉合州黨族間比之聯與其民人之什伍使之相安相受以比追胥之事以施刑罰慶賞。

族師之法八閭爲聯止於二族而此經並舉州黨何也。五族爲黨黨之奇族有合於別黨者矣。五黨爲州州之奇黨有合於他州者矣。至於鄉

而數無奇、零聯無外、合故曰鄉、合州黨、族閭比之聯也。族師職曰相保、相受者、所以教相受之人、使之相保、而篤於恩義也。此職曰相安、相受者、所以糾所受之人、使之相安、而止其衰惡也。族師合聯軍政也。故刑罰慶賞、合八閭而相及相共。此職言追胥之事。則相及相共者、多寡無定數。故第曰以施刑罰、慶賞、而不限以八閭也。三代盛時、諸侯軌道、兵革不試、故坐作擊刺、寓於四時之田、慶賞刑罰、寓於追胥之比。蓋軍

政不可以無警而弛。民氣不可使久安而怠也。

掌官中之政令

諸官之司惟此。曰掌官中之政令何也。宰夫所掌則通六官之事。鄉師分掌其鄉。肆師則掌禮事之小者。以佐宗伯。惟士師則獄訟之上。察其辭以詔司寇。獄訟之成。致其令以付羣士。凡官中之政令無不待之以定。由之以達者。故特文以著之。

掌士之八成

曰土之八成所以別於小宰之八成也八者舊
獄載在刑書具有成法羣士守之如春秋傳魯
盟臧紇召外史掌惡臣而問盟首是也

一曰邦洿

春秋傳鄭伯來乞盟蓋洿也注洿血而與之爾
雅井一有水一無水曰灋洿集韻洿挹取也其
諸聚斂培克之臣浚民之生以虧邦本者故列
於邦賊邦諜之上與

六曰爲邦盜

注據春秋書盜竊寶玉大弓故以竊寶藏解之
但如竊邑外畔殺國之大臣懿親及凡竊財貨
者皆盜也

若邦凶荒則以荒辯之瀛治之

其歲之祲有等差其地之民有衆寡其民之困
有淺深其財之用有多寡其事之施有緩急故
曰荒辯之法

令移民通財糾守緩刑

移民通財地官所掌而又使刑官令之者移民

則慮有顛越不恭。暫遇姦宄者，通財而使刑官董之，則富者知必償而無匿財矣。

王燕出入則前驅而辟

燕出入偶以遊讌出入也。恐奄寺或導以邪僻，及姦宄刑人竊發，故使刑官糾之。且示王不當數遊讌也。若宮中燕出入必從，則無暇理邦之刑禁矣。或以燕爲燕，諸侯則下經，諸侯爲賓，蹕於王宮已該朝覲及燕饗。蹕以禁止行者，辟則開道而使辟於旁，故宮中廟中則辟，王燕出

入則辟

祀五帝則沃尸及王盥洎鑊水

小祝職大祭祀沃尸盥小臣職大祭祀沃王盥
鬱人職凡裸事沃盥而祀五帝之沃盥獨以士
師共之其鑊水則小司寇實之士師增之豈非
以卽事於郊野刑官之正貳及司皆前後左右
於王以致其嚴而因使共近王之職事與張
子曰節服氏郊祀有尸不害爲稷尸用此推之
凡有尸者皆人鬼也此經祀五帝有尸五人者

之尸也、社稷有尸、梓與稷之尸也、春秋傳晉祀
夏郊、董伯爲尸、鯨之尸也、虞夏傳舜入唐郊、丹
朱爲尸、鬻之尸也、儀禮周公祭泰山、以太公爲
尸、古者嶽瀆配公侯、國語山川之靈、足以紀綱
天下、其守爲神、汪芒氏之君、守封偶之山者也、
春秋傳臺駘、汾神也、則亦爲人鬼之尸、明矣、五
祀有尸、行神則世傳爲黃帝之子、中霤門、并戶
竈、必始爲是者也、若迎貓、迎虎、則或以木禺、芻
靈、記亦未言以人爲尸、由是言之、非人鬼無尸

決矣。

大師帥其屬而禁逆軍旅者與犯師禁者而戮之。其屬鄉士、遂士、縣士、方士、訝士也。旅帥卒長卽鄉。遂公、邑都、家邦、國之有地治者。羣士卽平時斷獄弊訟之監司也。必與羣士偕。然後無事而申禁。則其令明。有罪而傅刑。則其議當。

正歲帥其屬而憲禁令于國及郊野。

士師先令正。要會然後小司寇命入會。小司寇令羣士憲刑禁。則士師帥而憲之。易刑禁爲禁。

令者刑則大司寇所布而小司寇令羣士縣之者也

鄉士

掌國中各掌其鄉之民數而糾戒之

掌國中其治所在國中也。四郊之獄訟鄉師聽之。而後達於鄉士。國中之獄訟則鄉士自受之。國中四郊之民數則並掌而糾戒之。鄉士八人。注謂四人各主三鄉。恐未安。豈二人主國中而六人各主一鄉。中士則四人主國中而十二

人分主六鄉與

辨其獄訟異其死刑之罪而要之

既曰聽其獄訟又曰辨其獄訟者聽之以探其情辨之以附於法也凡爭訟之附於刑者歸於士則不附於刑者鄉師遂大夫之屬已聽斷使解散矣其附於刑者士又聽之察之辨之旬而後政於司寇其死刑則又別異其要加審慎也職聽於朝者司寇辨訟斷獄羣士皆在各龐其法獻其議而主六鄉之獄訟者則鄉士也遂士

已下皆然。春秋傳使王叔之宰與伯與合要。王叔氏不能舉其契。

司寇聽之斷其獄。弊其訟于朝。羣士司刑皆在各麗其瀆以議獄訟。

遂士縣士治在郊野。而曰羣士司刑皆在何也。遂士縣士各以所治職聽於朝。方士各以所治上於國。則不期而會者日無虛矣。

獄訟成。士師受中。協日刑殺。肆之三日。

古者司寇行戮。君爲不舉。故必累犯法者同日。

而刑殺也

大祭祀大喪紀大軍旅大賓客則各掌其鄉之禁令

大祭祀喪者不哭不敢凶服禁也汜埽反道鄉爲田燭令也大賓客誅相翔者暴賓客者禁也守涂地者聚橐令也餘可類推

遂士

掌四郊各掌其遂之民數而糾其戒令

遂士掌遂之獄訟而治所則在四郊也遠郊乃

六鄉之地而遂士居之者。近於遂則民隱可聞。不遠於國中則獄訟易達也。鄉士各掌其鄉之民數而糾戒之者。鄉大夫不與民治。故鄉士自糾戒也。遂士縣士則各掌其民數而糾其戒令。蓋戒令其民。遂大夫公邑吏之職也。遂士縣士特糾之耳。

獄訟成。士師受中。協日就郊而刑殺。各于其遂。肆之三日。

刑殺於郊者。就遂士之治所也。肆各於其遂者。

與衆棄之以懲其未也

若欲免之則王令三公會其期

斷獄訟惟刑官咸在公卿大夫不與必王有欲免之人乃令會其期

縣士

掌野各掌其縣之民數糾其戒令而聽其獄訟察其辭辨其獄訟異其死刑之罪而要之三旬而職聽于朝

此職掌公邑之獄訟縣師掌稍縣鄙之賦貢而

皆以縣名官。明公邑都家。邑雖大，不得過二千五百家也。知此職所掌，惟稍縣。縣公邑之獄訟者，甸之賦貢役事，皆兼掌於遂。吏遂師於徵，遂之財征外，別入野職野賦。遂人於致六遂之喪役外，凡事致野役。遂大夫於令爲邑者，會政致事外，戒凡爲邑者之功事，皆以兼公邑故也。稍縣，置公邑之獄訟，並以三甸而上，則甸之公邑，以二甸爲期，而兼掌於遂，士明矣。縣，置公邑，去王都遠矣，而期以三甸，蓋惟恐保伍地，傳牽

連而失業也。秦漢以後大州壯縣以數百里之
獄訟而決於一人、惟大盜死刑功令尙有限期、
其餘戶婚田土之訟有頓於州縣踰時經歲而
不決者矣、况郡守監司乎、是以前賢謂一州一
縣之獄訟非分其任、限以期不可治也。

協日刑殺各就其縣肆之三日

公邑去縣士治所或三數百里刑殺於縣士之
治所而肆之於其邑不勝其擾矣、遂之刑殺就
郊而肆之各於其遂以遂本近於郊耳、此職曰

各就其縣肆之三日、明就其邑而刑殺、因肆之、
與遂之刑殺就郊異也。其不曰邑而曰縣者、公
邑本以縣名、春官司常夏官大司馬皆以縣鄙名公邑但二十五家
已上皆得名邑、言邑則疑各就其閭里、言縣然
後知所就、乃邑宰之治所耳。

若邦有大役、聚衆庶、則各掌其縣之禁令。

不曰邦有大事、而曰邦有大役、何也、大祭祀、大
喪紀、自六遂無及焉、惟賓客軍旅、所道經、則通
乎畿內、然其入也、必近王都、而後禮事繁、其出

也。踰鄉遂則事益簡。野廬氏掌道治遺人委人
共委積薪芻。公邑都家不過埽除道路守涂者
聚橐而已。故自縣士而下不復言邦之大事。蓋
賓客軍旅所經無所爲聚衆庶之事也。惟役事
則公邑與鄉遂畧同。而諸官無明文。故於此特
見之。其不言致衆與役所致何也。遂人職若起
野役則令各帥其所治之民而至。以遂之大旗
致之。則致衆者遂人也。又曰凡事致野役而師
田作野民帥而至。掌其政治禁令則致役於司

徒者亦達人也。達人職惟大喪稱六達之縣士。役則野役兼公邑明矣。蓋兼掌其禁令耳。以其爲刑官之屬故獨掌禁令而政治不與焉。

方士

掌都家聽其獄訟之辭辨其死刑之罪而要之三月而上獄訟于國

不言掌其民數者其數自有都士家士掌之康成謂民不純屬王非也小司徒稽國中及四郊都鄙夫家九比之數司民歲登下其死生則刑

殺所減之民數。鄉士遂士縣士歲以致於司民。而都家之士亦歲致於其長。而以達於司民。可知矣。鄉士遂士縣士皆聽其獄訟。察其辭者。鄉遂公邑之吏。雖以獄辭上。而未成議附法也。故親聽其獄訟。而察其所上之辭。都家之獄訟。則已成議附法矣。故第聽其獄訟之辭。而不復親聽其獄訟也。死刑之罪。獨曰辨者。以未嘗親聽其獄訟。辨之尤不可以不審也。易氏祓謂第上獄訟於國。不必職聽。非也。羣士司刑皆在。

而方士反不在乎蓋都士家士隨時而上獄訟之辭於方士方士聽之苟有未當必復下於都家核察而明辨之必的然無疑乃上於國也縣士所掌公邑在縣曷者亦限以三旬而方士所掌在稍地者寬以三月正以不親聽獄訟而聽其辭必遠其期乃有徃復駁議之隙耳

司寇聽其成于朝羣士司刑皆在各麗其灋以議獄訟獄訟成士師受中書其獄訟之成與其聽獄訟者

不曰聽獄訟而曰聽其成者。鄉師遂大夫遂師
職皆曰聽其治訟。蓋以獄情直達於士而不自
附其法也。都家各有士以掌獄訟。必與其君定
議。附法而後上於國。故變文言成。所以別於鄉
遂。公邑之未成者。都家之獄訟。蓋質其成而犯
者不與之俱。故方士第聽其辭。司寇第聽其成。
書其成而已。蓋民訟以地比正之。慮牽連佐證
者因此失業也。方士不言職聽於朝。何也。司
寇聽其成。蓋獨聽方士所上之獄辭而未嘗聽

其獄訟也。則方士不得曰職聽於朝明矣。不言刑殺及肆之地。何也。曰書其刑殺之成。與其聽獄訟者。則各就都家邑宰之治所可知也。不言方士之治所。何也。曰凡都家之士。所上治則聽之。則方士待其治於國中。不待言矣。

凡都家之大事。聚衆庶。則各掌其方之禁令。

不舉邦事。而曰都家之大事。何也。專地與民。雖王朝徵役。亦止爲都家之大事。而其長又自有祭祀。喪紀。城郭溝池浚築之役。故以都家之大

事包之

以時脩其縣灋若歲終則省之而誅賞焉

此縣師職之錯簡也都家各有邑宰其上有五
大夫兩卿以佐其長脩法而省之以行誅賞長
及兩卿之事耳不宜以屬方士方士所掌不過
都士家士所上獄訟之辭其他土地人民之數
賦貢師役之稽承祀興賢之典讀法施禁講禮
厲俗之宜皆不與聞何由遙制而脩之省之以
獨斷其誅賞乎惟公邑則其地狹其吏微無專

制之長官。故賦貢役事則兼攝於遂師。遂大夫。獄訟則兼攝於縣士。軍政則兼攝於縣師。而縣師掌地域。夫家田萊畜器以作衆庶。則賦貢役事之達於遂師。遂大夫一切治教之施於邑宰者。皆可省之。而得其概矣。故使縣師脩縣法。省吏治而行誅賞焉。

凡都家之上所上治則主之

都家所上獄訟之小事不附罪者。方士自主聽斷。注謂告於司寇聽平之非也。既曰三月而上

其獄訟於國司、寇聽其成而復設此文、何義哉、蓋鄉師、遂師、遂大夫、公邑之吏、皆玉官也、故獄訟之小者、俾得自決、都家小獄、訟雖其君與士共成之、而必取決於王官、然後政有本統、或謂上治猶上計、不專指小事、主之謂據所上治、廉察、都家士之能否、益謬矣、計羣吏之治者、冢宰也、獄訟之當否、司寇聽其成、書其名、以待考覈、則非方士所得主明矣、

訝士

掌四方之獄訟論罪刑于邦國

春秋以殺大夫爲亂王法則士民之死刑皆邦國所專決也。設倒行逆施以賊賢害民何以制之。故設訝士以掌四方之獄訟使司政典獄者有所忌也。然六服廣遠王官遙制無由得其情實故據其所上獄辭而察之其有刑罪不相附者則諭之使更平反焉。

凡四方之有治于士者造焉

有治於士宜兼士民枉撓而訴於王朝者注專

指邦國之吏讞疑辨事尙未該

四方有亂獄則往而成之

必往而成之者就其地然後可以刺羣言得情實也。

有治則贊之

刑官中言治皆指獄訟羣儒以爲有朝享之事爲通於王此大小行人之職與訝士無涉也蓋其國之僕隸輿臺有過失爭訟者在王都不敢擅自治故以聞於訝士而訝士佐治之

凡邦之大事聚眾庶則讀其誓禁

邦之大事不獨軍旅大役時田皆聚眾庶誓禁
不及賓客恐其徒有犯者故使訝士讀而爲之
備。

朝士

掌建邦外朝之灋左九棘孤卿大夫位焉羣士在
其後右九棘公侯伯子男位焉羣吏在其後面三
槐三公位焉州長眾庶在其後

射人小司寇朝士所掌朝位各異互備也射人

所掌因射而朝之位也。孤卿大夫列於左右，故諸侯來朝而與射者，從三公北面以答王。羣士卑不在列。小司寇所掌大詢於國民之位也。故羣臣羣吏分列左右，而州長及百姓從三公而面王。朝士所掌則其事宜與外諸侯定謀者。羣士從孤卿大夫之後，羣吏從公侯伯子男之後，內外之別也。蓋必各舉其一，而法乃備。義乃明。帥其屬而以鞭呼趨，且辟禁慢朝，錯立。旒談者以鞭呼趨，且辟所施於庶民徒隸也。慢朝錯立。

族談惟此職見之亦以有羣吏萬民若司士大
僕所掌常朝則禁地肅清儀皆素習無所用此
禁矣。祭祀朝覲喪紀皆宜呼辟不獨大詢爲
然。

凡得獲貨賄人民六畜者委于朝告于士旬而舉
之大者公之小者庶民私之

大者公之官收之以待求索也若雞豚劍帶之
細過時而不索則失者已棄置矣故使得者私
之曰庶民私之者設士大夫得獲亦不私而貯

於官也。

凡士之治有期日國中一旬郊二旬野三旬都三月邦國朞期內之治聽期外不聽

獄辭朝上卽夕可斷而羣士職聽於朝必各限以期日者不惟容其辨察乃懼或枉撓聽其人赴訴而自申列也若過期而後至則恐別生變詐而事端無窮故以不治絕之

凡民同貨財者令以國漙行之犯令者刑罰之同貨財卽士師職所謂凶荒令民通財也天灾

流行令民同貨財以相濟而以國法行之爲責其償與息則富者樂於出財而民常不困矣犯令謂多取息與能償而過期不償者士師令之朝士又令之犯者加刑罰焉所以使出者無顧惜而貸者不敢背也先鄭謂司市爲節以遺之凡商賈皆以節行不必同貨財也

凡屬責者以其地傅而聽其辭

此謂身亡而親屬執傅別以責者蓋或妻子軟弱或族屬疏遠欺其不知故抵冒也若轉責使

人歸之則必別有契約佐證而無從抵冒矣地
傳謂傳別有土人佐證者小司徒聽民訟所該
者廣獨以其地附近之人正之不必有傳別故
曰地比

凡盜賊軍鄉邑及家人殺之無罪

春秋傳鄭祭足原繁洩駕以三軍軍其前使曼
伯與子元潛軍軍其後又羅與盧戎兩軍之又
鄭子罕宵軍之並以攻爲義不曰剽掠而曰軍
者聚徒有兵異於劫請之盜

凡報仇讐者書于士殺之無罪

若仇在本國既書於士則有司者當治之此法

相保相受有舉奇表則相及在本國必無逃隱不宜聽其私殺矣蓋仇

在異國將往報之先言其情於本國之士士覈

得其實而書之他日殺仇於異國而自首其情

則異國之士得訊於本國而釋其罪此王禁也

通天下而統於王故有此法

若邦凶荒札喪寇戎之故則令邦國都家縣鄙慮

刑貶

貶謂刑從末減也。札喪以札而死亡者衆也。蓋荒札則比屋皆然。鄉鄰族姻莫能相救。其罪不至死而附於刑者。或一人繫獄。舉家無告。則無罪而死於荒札者多矣。寇戎相逼。不能守禦。則其禍更烈。故或降其等。或緩其期。俟既定而後弊獄焉。其曰慮者。刑罪中有情不可恕。或并無家累。及不能守禦者。必使親民之吏。殫心以究圖之。非概行寬釋也。

惟呼趨且辟。及禁慢朝。舉委朝之人民器物爲

朝士本職其餘諸士聽治之期收責同貨之令
禦寇復讐之法荒札寇戎刑貶之慮乃刑章之
凡非外朝之法也其不列職於士師而於朝士
何也凡獄之成皆聽於朝司寇士師羣士無日
不有事焉國中鄉遂公邑都家邦國之吏民無
日不有事焉故以朝士掌之俾有司惕然於耳
目之衆著而無私徇也俾吏民曉然於憲典之
有常而無妄干也